

671.1263

078

16

玉田縣志

卷二十八之卷三十
列女

第六冊

玉田縣志卷二十八

玉田縣知縣江陰夏子鑒庾孫甫輯訂

列傳九

列女

孝烈 貞烈 節烈 節孝一
節孝二 節孝三 附寓媛

古者列女有傳而無祠祀之典雍正二年

郡邑建節孝祠於學宮之右崇祀貞媛孝女列入祀

典節孝則定年例以昭限制烈婦不以年例拘非謂
存孤死節之有難易也毅然以柏舟自矢奉垂白親
撫藐諸孤飲冰茹蘖之死靡他非具卓識定力不能

三日縣志 卷二十一
辦而一時之舍生取義或從容殉所天或慷慨蹈白
刃視死如歸有烈丈夫所難能者要皆足以扶綱常
維風化焉士大夫氣節相高聞之亦可以興矣

孝烈

趙鳳翔妻張氏年十九夫卒家貧無子痛不欲生念
孀姑老無依苟延殘喘以奉餘年而日食維艱租房
後園地畝許日則灌漑夜則煮豆磨腐爲養姑計因
薄不可言姑憐之勸改適誓不從姑歿痛絕復甦泣
言曰吾事畢何以生爲遂絕粒計姑歿五日相繼亡

旨建坊

里人義之捐資助葬御史陳旌之
貧節孝額乾隆
十年奉

幼女引弟東宮莊民劉溫女純孝性成十五歲投水
殉母同治九年旌

訓導李昌時傳云引弟者玉田民劉溫女引弟其
小字也生而聰慧有至性讓梨之年輒解養親志
每食必先父母欲有所與必從之無吝色親有憂
媿媿婉言相慰解色釋然而後已鎮日侍親坐同
輩招之戲弗顧也齒未一星終而孝女之稱已藉
藉鄉黨間矣父以家計累遠賈於塞外建昌界母
氏周司祁州鐸孝廉彬之女彬到官未一載捻逆
竄河北城陷彬赴學宮以殉凶問至母氏痛父遠

疾旋染疫延及祖父母女無手足親一身三侍湯藥衣不解帶者閱月餘母疾篤焚香泣籲天祈以身代卒不起女哀毀骨立凡附身附棺猶一躬親之既殯棺甫窆輒躍身入穴欲殉焉族眷扶之出哭而歸而祖父母尙呻吟牀褥也強拭淚恐傷重幃心藝藥鑪調羹鼎一如母在時未幾父賈旋女以奉高堂有代也爰潔香楮拜栗主潛步園蘆投水以殉母父覺而踪跡之氣已絕面色如生時同治己巳六月三日也女年十有五有司上其事以旌焉嗟乎生侍疾歿侍殮從容以殉視死如歸求之士大夫不數數見而得之生長閭閻識之無未及笄之女子其天性之獨厚爲何如耶玉邑固多孝子廬墓者志乘不絕書茲更於幼媛遇之殆首善之地風化之所漸者深歟傳之以俟輔采楊成仁女以父母無子矢志養親不嫁葬親後以身

列

楊鳳翔女因父母無嗣矢志不嫁養親既葬以身殉

貞烈

明

李淮之女正德七年流賊犯境女年十七被擄山中
欲污之不從遂支解

國朝

孝廉張贊皇母顧氏貞女也皇本申姓吳門文定公
七世孫有遠祖用懋明神宗朝巡撫順天薊州等處
崇祀遵化節宦子孫守祠者家於北皇遂流寓玉田

其父壻聘而未婚以疾亡訃至女竊慟哭自誓曰
死生申氏婦也卽日奔喪視殮屏櫛沐願終身以守
親族奇其志議以皇爲嗣皇甫四齡女讀書識禮以
養以教嘗謂窮達命也但俾吾嗣爲通儒爲正人足
矣皇得母訓學問淹貫品誼端嚴聲譽方大起以家
計坎墮僕僕無定居邑人張應楸心識之延致於家
爲之築館舍選生徒誠懇相投一時負笈之士戶外
屢常滿乃迎母挈眷而來因籍玉田庚午領鄉游薦
吳含萬妻楊氏鄉居劉欽莊幼受聘未賦于歸含萬

卒氏年二十四聞訃素服奔喪終爲
事翁姑克盡孝道守貞三十六年
乾隆三十六年
使倪旌以苦守貞堅額年五十九無疾卒道光二十
二年祠

節烈

明

李尙清妻王氏明季爲亂兵所掠氏堅不從兵挾上
馬氏輒投地兵不得已橫置鞍前氏急拔刀刀不可
拔嚙其股兵怒竟殺之

國朝

李尙信妻王氏年二十四夫亡自縊墓側以殉

舉人張聯標妾傅氏隨任於浙之泰順戊子寇起城陷被掠不屈罵賊遇害泰民收葬至今有烈婦塚存焉更有義僕葉朝柱以身衛主被殺土人亦立塚祀之

監生趙長治妾劉氏城居性柔順有志氣長治病侍奉湯藥衣不解帶者三閱月三十九歲夫卒痛不欲生夜半仰藥以殉焉同治六年 旌

廩生桑竑妻曹氏豐潤故太守首望女婿未一載夫
卒慟不欲生遂閉戶投白練嫂覺而急救得不死防
閑日益謹氏泣曰我之所爲以無子故若爲夫子立
嗣死何爲者舅姑從之以伯子汝廣嗣扶柩歸葬畢
治家課子處之坦然家人不復防矣一旦令嗣子往
奠墓給婢出密線縫其衣卒繼死時年二十有四距
夫歿百日豈非從容就義者哉邑令旌之曰名門奇
烈

生員丁本培妻劉氏系出宦族年二十五失所天無

三田縣志 卷二十一 五
子卽欲殉夫地下悲呼晝夜死而復甦者再淚盡繼以血未幾絕食後夫一月而沒里人哀之

生員王所錫妻張氏夫亡無子欲以身殉遂不食家

人勸慰殯夫成禮未幾長號一痛而絕縣令匾旌之

李進功妻田氏旗人王黑欲污之伺進功入城潛至

其家用強氏詈罵不從黑背氏蘆葦中手入小腹拔

其腸置冰洞而去未幾進功歸聞哀楚聲尋視妻也

當報官驗氏猶一一哭訴供畢氣絕康熙四十一年

旌

烈婦魏于氏因強污不從致傷畢命咸豐四年旌
賈榮恩妻何氏居馬坊莊二十五歲夫故旣葬投井
殉

客民王興妻郭氏邑東關民郭秉順女也十七歲于
歸光緒四年興故氏痛不欲生時方娠冀生男以嗣
夫旋生女而殤母憐其幼且貧謂勉於始而難於終
隱示以改適意氏聞之泣不食欲捐軀以明志母百
辭慰解且防之五年二月朔乘間自經時年二十鄉
隣嘉其烈爲之合葬焉奉

旨旌表建坊入祠

州同銜孫廷掄妾某氏居京師廷掄喪偶數年後物色得之時廷掄爲七十老翁氏甫二十餘然事髮髮者敬愛交至容色務淡雅慎言笑無何廷掄病氏憂容可掬或疑其蓄異謀然察其於室中珍玩畧不顧盼廷掄卒氏遂絕粒並水漿不入口慰之則引避語之無一言鬱鬱以終聞者憫焉

張廷祿妻王氏十九歲夫故七日不食以身殉

節孝一 依舊志錄

元

吉子玉妻李氏年二十二夫卒子二天章三歲天用
一歲紡績撫之成立大定初表其門

明

生員姚經妻戴氏年二十二夫亡以節自誓子應時
甫三歲教育食廩年八旬卒提學御史陳匾以旌之
生員趙光輝妻李氏二十二歲夫卒有子惟勤方在
襁褓極力撫之政長延師教誨甫弱冠廩卽殂又育
孫應選成立選子之魁附生魁子可翰增生理學宿

儒翰子登俊廩生克昌厥後皆幽貞李氏積德之報
省祭周仁妻袁氏年十九夫卒子寔甫九月堅志守
節備嘗諸艱苦教子有成諸孫皆能自立壽入十六
生員柏彥忠妻王氏年二十二夫亡子萬齡甫六歲
諸伯欲奪其志氏截指以誓遂與析爨歷盡艱難教
萬齡并孫時泰皆補博士弟子員壽七十終提學陳
匾旌之

生員許价妻徐氏守節四十九年

張十思妻李氏進士李充實妹年二十夫故矢志守

節婦爲之立祠以成其志氏不惜艱苦教嗣子體
元成立年八十卒

生員張相妻守節四十五年

百戶伊鸞妻楊氏年十九夫亡兒甫八月苦志守子
壽七十終巡按御史旌之

孫延慶妻王氏夫亡氏僅十七歲有遺腹子繩祖撫
之成立年六十餘以壽終

王嚴妻楊氏夫故氏二十二歲紡績撫孤六十餘年
二子成立年八十三知縣楊如皋上其事旌之

生員張燦妻唐氏夫故遺二子衍義衍正僅數歲氏從艱苦中孝養翁姑儲以養教二子俱以總角入邑庠有聲人以爲節孝之報云

郁詔妻周氏尙仁之母二十二歲夫亡尙仁甫六歲抱而泣曰天乎吾豈愛旦夕命哉第恐翁姑衰老儻此子顛躓無以報地下孝事兩尊益謹教子有成孫光被光謨俱補弟子員縣令葉重第旌以貞惠流芳額

生員張世懋妻徐氏年二十二歲夫亡生子于庭方